

男為議政府舍人趙光彥為弘文館副應教姜克誠為校理盧

景麟為兵曹正郎外似疎迂內實貪鄙李光軫為兵曹佐郎○憲府啓曰

判決事慶渾衰老有病不合決訟長官請遞答曰如啓

十月丁巳朔日暈

戊午午時太白見於未地日微暈夜坤方如火氣

辛酉以姜昱為掌隸院判決事慎思獻為成均館司藝宋賀

為侍講院為善李訥為文學任尹險詭不遜為黃州牧使崔應龍

負實淳厚但為義州牧使權應昌為南陽府使○日暈夜月微

暈

壬戌政院以黃海道觀察使金澍賊人等自海州入平山啓本

十餘處多殺人入啓上命招三公領府事兵刑曹堂上捕盜大將

等傳曰賊變至此極為駭愕去年巡警使之往也若久留則庶

可盡殲而乍往即返徒取譏於賊輩予恐朝廷處置或有未盡

也今不可徒付徐林諉諸尋常之地也卿等議啓浚慶等啓曰

最爾賤徒尚稽天誅恣行殺掠如一敵國而同道守令環視畏